



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant**

**Segneri, Paolo**

**Dilingæ, 1699**

X. In via testimoniorum tuorum delectatus sum sicut in omnibus divitijs. Is.  
118. v. 14.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

## X.

*In via testimoniorum tuorum delectatus sum sicut in omnibus divitiis. H. 118. v. 14.*

1. Considera per Testimonia Divina satis frequenter in scripturis Divinis intelligi illa argumenta, quae ostendunt, solam nostram tenendam fidem, uti sunt tot de Christo Vaticinia, tot miracula, tot Martyres, & aliae rationes ejusmodi, non clara duntaxat resisterere volentibus animum, sed manifesta. *Testimonia tua credibilia facta sunt mihi.* Pl. 92. v. 7. Jam ergo in via talium Testimoniorum, ut quae ducit ad discernendam veram Religionem a falsa, ait Pfalter se summam sensisse voluptatem, quam ut bene exprimat, cum ea componit, quam experitur, qui seit se omnis generis divitias possidere. *In via testimoniorum tuorum delectatus sum sicut in omnibus divitiis.* Divitiae duplicis sunt generis, naturales, & artificiales. Naturales sunt, quae proximè servantur sublevandis necessitatibus naturae, uti sunt victus, vestitus, lectus, domus, vasa, & alia ejusmodi bona. Artificiales sunt reditus, per quos bona illa comparantur, ne putes ergo voluptatem, quam senserat David in cogitandis tot argumentis pulcherrimis fidei nostrae Evangelicae, fuisse similem voluptati, quam divites experiantur in solis divitis primi generis, haec enim non durat diutius, quam necessitas illa, cui respondet, unde cum cessavit fa-

R. P. Pauli Segneri *Manna Anima.*

mes, cessavit frigus, cibus atque vestitus potius sunt oneri, similis erat voluptati, quam experiantur divites etiam in illis secundi generis, quae semper durat, sicut in omnibus divitiis, nonne vides, quomodo isti non contenti, quod cognoscant se divites, de hoc crebro cogitare gaudeant, & quamvis jam nec victu egeant, nec vestitu, nec alio ejusmodi adjumento, sermone tamen sua aperiunt, quia videre gestiunt ita plena, pecuniam numerant, dupliones contemplantur, gemmas suas sigillatim omnes studiosè considerant, & cum gustu vident tam bene & eleganter collocatas? idem in re nostra David faciebat, sed cum laude, quod illi perperam faciunt. *In via testimoniorum tuorum delectatus sum, sicut in omnibus divitiis.* ultra modum delectabatur. Tu quid agis? fieri potest, ut tibi scire sit satis te verè sectari fidem? saepe de hoc cogita (maximè cum tot populi occurrant omni verè Dei cognitione destituti, adeoque, ut signa produnt manifesta, aeternum perituri) & ideo gratias age efficaces.

2. Considera, per Testimonia Divina pariter in Scripturis sacris intelligi mandata, quae Deus sanctissima Lege sua praescripsit, & ideo Testimonia vocantur, quia nobis restantur, quae certò sit domini voluntas. *Custodite*

Ccc ccc

divit

divit anima mea testimonia tua, & dilexit ea vehementer. Pl. 118. v. 167. & in hac via Testimoniorum, quæ ducit ad inveniendam Gratiâ, & Gloriam (sine quibus parum juvaret esse natum in orbe Christiano) ait Vares Regius se perinde delectatum, ut alius in geminis suis delectatur divitiis. *In via testimoniorum tuorum delectatus sum sicut in omnibus divitiis.* & ratio erat, quia quoad primas, securus erat in hac via nihil sibi defuturum eorum, quibus egeret: & quoad alteras, nihil erat, quo indigeret. Securus erat quoad primas nihil sibi defuturum eorum, quibus indigeret, quia qui fideliter Dei legem observat, ipsum Deum habet Providorem. nullum autem est periculum, ne Deus cogitare desinat de eo, qui de se cogitat. *Inquirentes Dominum non minuentur omni bono.* Pl. 3. v. 10. & quoad alteras nihil erat, quo indigeret, quia per observantiam Legis Divinæ id feliciter erat consecutus, ut omnes reprimeret cupiditates inordinatas. Et quid juvant opes superflua, nisi ut ejusmodi cupiditatibus satisfiat? has reprime, & cum videris, quam multa sint, quibus non indiges, adeo gaudebis, ut nulli inideas mundi hujus Euchioni opulento. nullus horum habet, quod ipsi sufficiat. *Divites eguerunt, & esurierunt.* Pl. 33. v. 10. *Egnerunt* quoad ipsas divitias naturales, quia cupiditatem in naturam verterunt. *esurierunt* quoad artificiales, quia cupiditas quanto plus accipit alimentum, tanto magis tabescit fame. *Nunquam dicit, sufficit.* Prov. 30. v. 16.

Tu igitur pro eo, ut delectationem tuam habeas in pecunia, quid aggratius? non curabis. Deum roga, tibi concedat majore in pretio habere unum ejus verbum, quam totos Thesauros Univerſi. *Bonus nihil in ore tuo super millia auri, & argenti.* Pl. 118. v. 72. æstima legem Divinam præ cunctis bonis. *Pone thesauros tuos in præceptis Altissimi.* Eccl. 2. v. 13. & tunc videbis, an non abunde te habiturus delectationis. *In via testimoniorum tuorum delectatus sum sicut in omnibus divitiis.*

3. Considera, per resiliam Deum demum intelligi in scripturis exemplum Christi, quæ omnia continent cum Consilio suis Evangelicis. *Ego sum; qui testimonium perhibeo de me ipso.* Jo. 8. v. 18. Ita Christus dicebat, quia prima Veritas est infinita, quæ sola in mundo vim habet autenticam de se ipsa dandi testimonium. Jam verò in tali sensu sequi viam testimoniorum Divinorum aliud conest, quam sequi viam, quam Christus tenuit. in hac autem via an non poteris dicere cum Davide poteris: *In via testimoniorum tuorum delectatus sum sicut in omnibus divitiis:* imò in hac magis quam in ceteris: quia in hac non modo non curabis opes superfluas, sed præterea gaudebis penuriam naturalium, gaudebis fame, frigore, & quibuscunque incommodis corporis tui delicati: modo hæc omnia paratis, ut Christo placeas. *Placeo modo in vestimentibus meis, in contumeliis, in vitiis*

fratens, in persecutionibus, in angustijs  
 pro Christo 2. Cor. 12. v. 10. Itaque  
 qui verè cupit esse similis Christo, si  
 omnes posset adipisci mundi divitias,  
 etiam quin eos exantlaret labores, qui  
 ad has obtinendas requiruntur, ultro  
 renunciaret ob voluptatem, quam  
 sentit, dum cogitat se nihil habere.  
*In via testimoniorum tuorum delectatus  
 sum, sicut in omnibus divitijs, non so-  
 lum sicut in acquisitione omnium divi-  
 tiarum, sed, sicut in omnibus divitijs  
 iam acquisitis, adeo ille omnem mes-  
 sem alpèrnat non in herba tantum,  
 sed in horreo reconditam, an sentis  
 ejusmodi delectationem? si non sentis,  
 ma est culpa. non applicas intellectum  
 ad penetrandos thesauros abscondi-  
 tos, qui sunt in imitatione Christi,  
 nec assuecis voluntate anteferre om-  
 nibus bonis ceteris. quid igitur mirum  
 te nullam experiri gustum ejus dele-  
 ctationis? nota tamen, quomodo hoc  
 loco Plaltes loquatur. non dicit: *Via  
 testimoniorum tuorum delectavit me, sicut  
 omnes divitie sed in via testimoniorum  
 tuorum delectatus sum sicut in omnibus di-  
 vitijs.* quia, ut sapiens, non promit-  
 tebat sibi ullam afferendam à quacun-  
 que via testimoniorum Divinorum de-  
 lectionem, nisi ex parte sua prastat-  
 ret, quidquid posset, ut in ea omnem  
 suam inveniret delectationem.*

4. Considera, quam parum ab in-  
 sapiente mundo capiuntur, imò & cre-  
 dantur hæc dogmata. unde, quacun-

que incedis, homines occurrent, qui  
 ad invidiam usque maximam summo  
 gustu oculis exponant, & ostentent,  
 quidquid habent divitiarum in pala-  
 tiis, in vestimentis, in supellectile, in  
 pompâ intolerabili, quâ per vias pub-  
 licas ingrediuntur. Tu ergo quid fa-  
 cies ad ejusmodi spectacula adeo inter  
 Christianos indecora? ad Deum illico  
 te converteres, & dices intra te ipsum:  
*In via testimoniorum tuorum delectatus  
 sum sicut in omnibus divitijs.* Hoc est  
 antidotum saluberrimum, quod in  
 promptu semper habeas, ne tibi quo-  
 que adhaereat illa cupiditas, quæ, uti  
 intrat per oculos, ita ab his quoque  
 nomen accepit: Concupiscentia ocu-  
 lorum. Vides ea palatia, quæ vicinis  
 ipsam atram nedum lucem interelu-  
 dunt? Vides illa vestimenta umoribus  
 quasi grandine obsita? Vides illa su-  
 pellectilia sumptuosissimis simbris  
 seu limbis terminata? Vides illas rhe-  
 das, aurigas, ephabos, cursores quasi  
 eodem partu effusos? ne linas istis ab-  
 ripi cor tuum: sed protinus allurge, &  
 intus dic Deo: *In via testimoniorum  
 tuorum delectatus sum, sicut in omnibus  
 divitijs.* Id verò ut facile dicas, fac ut  
 in his tribus verè tuas habeas delicias;  
 in argumentis, quæ reddunt fidei  
 tuam evidenter credibilem: in adim-  
 plemente præceptorum Divinorum,  
 quæ illi vitam tribuit: & in imitatio-  
 ne Christi, quæ perfectionem im-  
 pertit.